

重脩浙江通志稿

第四十七册中
著述

卷之四

重脩浙江通志稿

第四十七冊中著述

錢述古文集八十卷

宋錢通撰

素通字德循，浦江人。熙寧九年進士，官工部尚書。宋史謂通無所不學，晚尤深于曆書，為文章自成一家。此書據舊通志引浦陽人物志作錢通遺文，卷數同，今佚。

宋忠簡公文集

宋宗澤撰

宗澤字汝霖，義烏人。此書據四庫提要云：澤事跡具宋史本傳，是編自一卷至六卷皆劄子，狀疏詩文雜體，七卷八卷為遺事冊錄，皆後人紀澤事實及誥教銘記之類。澤孤忠耿耿，精貫三光，其奏劄規畫時勢，詳明懇切，當時粗於和議，不用其言，亦竟無收拾其文者。至寧宗嘉定間，樓鑰綴緝散佚，以成是集。然陳振孫書錄竟不錄是宋末已不甚行，蓋理宗以後，淡心性者謂之真儒，講事功者謂之雜襲，人情所競在彼而不在此，其沈晦不彰固其所以也。明崇禎間，熊人霖重刻國朝義烏知縣王庭曾重編，以樓昉及方孝孺序弁於卷首。史稱澤清高，宗遂汴疏凡二十八本，今集中所載僅十八篇，則其散亡多矣。胡宗楙曰：楊星吾得日本棉紙精鈔本六卷，後題天保庚子九月不始末微一息氏自勝十一字，篇數與家刻本同，惟前多樓昉張維樞各序，並有國務院未知如何。

梅文安集十五卷

宋梅執禮撰

案執禮字和勝，浦江人。崇寧丙戌進士第，累官吏部尚書。金華志有傳。此書據直齋書錄，傳執禮死於靖康之禍，人固哀其不幸，而不知吳革趙子昉之謀執禮實主之事，既泄，范瓊殺革，徐秉哲以子昉遺金，金知執禮預謀以根括金銀為罪，問誰為長官，意在執禮也。安扶恐其坐之，進曰：皆長官也。遂俱死。文安者所封南國縣也。原集今佚。

默成居士集十五卷 宋潘良貴撰

案四庫提要云：良貴字義榮，號子賤，號默成居士。金華人。政和五年，以廷試第二人釋褐為辟雍博士，遷提舉淮南東路常平。高宗在位，召為左司諫，歷除徽猷閣待制，事蹟具宋史本傳。良貴學術醇正，侃直不阿，首論何采等之不可為相，又與黃潛善呂頤浩相忤，面劾，向子理屢坐屏斥，而所守不移。其論治體劄子等篇，排惻沈痛，足以感人。集見於史者十五卷久佚，此本乃康熙中其裔孫所刊文二十首，詩二十七首，詞一首。與本傳年譜相較亦多足資考訂。故仍舊本錄之。明宗林曰：宋志作潘良貴集四庫本止八卷，兩浙名志誤作五十卷。賢錄載潘良貴雜著十五卷疑即是集，或疑金華縣

陳鼎詩稿五卷 宋陳鼎撰

案金華府志：鼎字孟容，義烏人。志趣高邁，不喜自衛。靖康初游太學京師，臨

未書東歸。結節於雞鳴山之陽。采蔬拾薪以奉其母。而母亦歡然忘其憂。自號靜翁。有詩稿五卷。未見。

升齋類稿三卷

宋黃璣撰

案義烏縣志璣字敦政。義烏人。建炎初。從舅氏宗澤至汴京。授以官。辭去。老於家。此書據舊通志引金華先民傳。今佚。

雲谷集無卷數

宋胡邦直撰

案永康志邦直字忠佐。永康人。建炎二年。登兩科。建議復讐雪耻。忤秦檜意。坐廢十餘年。檜死。乃起為監司。累遷知封州。所著有雲谷集。未見。

北山集三十卷

宋鄭剛中撰

案剛中金華人。有周易窺餘。已載易類。四庫提要云。是集一名腹編。初集十二卷。中集八卷。後集十卷。初集起宣和辛丑至紹興乙卯。中集起紹興乙卯至甲子。皆剛中自編。後集起紹興戊辰至甲戌。為其子良嗣所編。史稱剛中由秦檜以進。故於和議不敢有違。及充陝西分畫地界使。又棄和尚原與金。後為宣撫使。時始以專擅忤秦檜意。至竄謫以死。今集中所載諸疏。多良嗣所記之語。若斤斤辨白心迹者。是必於公議有歉。故多方回護。如恐不及。至詩文出於南北宋間。猶及見前輩典型。方回作是集跋稱。其文簡古。詩峭

健在封州詩尤佳品題頗不謬云胡宗楙曰此書清康熙乙亥有重刊本先名子刊入金華叢書中

為有編無卷數 宋鄭剛中撰

案此書見北山集自序未見胡宗楙曰此為長短句詩自序云賦事詠物時有涉綺靡而蹈意怠者豈誠然歟又云毛居士逢場作戲為有是哉輒以號其集曰為有編

香溪范賢良文集二十二卷 宋范浚撰

案四庫提要云浚字茂明蘭溪人紹興中舉賢良方正以秦檜柄政辭不赴然非無意於當此者其書曾參傳後則隱戒熙寧之變法補程方進傳則深愧靖康之事譽其讀周禮一篇亦為王安石發進策五卷於時務尤言之鑿鑿其詩論戒穿鑿似為鄭樵而言易論鄙象數亦似為陳搏而設於經術頗為有功春秋論欲廢三傳猶祖孫復之餘習頗為乖迂然盧仝注儒者罕傳浚論尚載其數条足資異聞詩凡三卷近體流易守元祐舊格不涉江西宗派古體頗通亦非語錄為詩之比有足倚焉金華經籍志載此書有元至順壬申刊本明萬曆間刊本

說齋文集四十卷別集三卷 宋唐仲友撰

案仲友金華人有孝經解已見經部孝經類此書見千頃堂書目宋史藝文志補佚蘇平仲撰說齋文粹序傳文集四十卷今去宋徽二百年將更兵燹

行于世者惟經世圖譜諸史精義耳。唐士介所傳重刊本以九經發題。愚書足四十卷之數。且駢儷之什應用之作居多。已非彙次之舊。云平仲集又有說齋先生文粹序云。諸孫懷敏採擇論議記序書銘奏議雜著館職策一百五十四首。釐為十卷。其發題。愚書則置於前。詞科仍列於後。合十五卷。名說齋文粹。全祖望又有說齋文鈔序。稱少時未見說齋文。從深寧困學紀聞得其所引之言。皆有因經世說齋著書自六經解而下共三百六十卷。文集四十卷。皆不可得。於永樂大典得其文若干首。詩若干首。鈔而編之。備南宋一家之言。張作楫又有說齋文粹十卷本。稱道光壬申從華亭姚春木家得文粹殘本一冊。內發題。愚書各一卷。文粹第一卷第三卷第四卷第四卷缺尾葉。求足本未獲。於衛氏禮記集說馬氏文獻通考王氏玉海等書得零篇成十卷。名說齋文粹。胡宗楫說各本俱佚。惟張作楫本最後出。猶存。

古律詩二卷

宋章服撰

章服金華人。有易解二卷。已載經部易類。此書據金華經籍志引金華先氏傳佚。

善願集四十卷。愚齋雜著二十卷。

宋賈廷佐撰

案廷佐字子野。東陽人。登紹興二年進士。除桐廬主簿。見金華賢達傳。此書

據舊通志二百四十八引東陽縣志今佚

山堂文集二十卷 宋蘇簡樸

案簡字伯業金華人初以祖恩補承務郎累官至龍圖閣直學士卒贈少保
有山堂文集二十卷見敬鄉錄及金華志本傳佚

拙高集無卷數 宋蘇謬撰

案謬字伯昌金華人官江東運副此書見敬鄉錄佚

雙溪集十五卷 宋蘇福撰

案福有願濱遺言已載子部雜家類此書見敬鄉錄宋史藝文志絳雲樓書
目宋志作十一卷馮熙六年子羽跋云先公監丞樂城公長孫在願濱親矣
教海十五餘年建炎初南渡侍伯祖居晏近三十載哀平昔所述古律論撰
為十五卷並所記樂城公遺言一卷因鐫板於筠之公帑清伍崇曜刻入粵
雅堂叢書

煥章集二十卷 宋王師愈撰

案師愈字興正金華人登紹興戊辰進士除浙江提典刑獄直煥章閣此書
據金華經籍志引朱子煥章閣王公神道碑佚

王庚卿文集無卷數 宋王師方撰

案師古金華人。有資治通鑑集義已載史部史鈔類。此書據金華經籍志引
敬鄉錄今佚。

南湖集二十卷 宋何格撰

案格字茂恭。義烏人。紹興庚辰進士。官永新簿。纂校復二十策。故以進於朝。
與諸公議不合而歸。陳龍川謂邑士之侮雄者四人。喻叔奇何茂恭陳德先
喻季直是也。此書見金華賢達傳及舊通志二百四十八今佚。

景物類要詩十卷 雙溪集二十卷 宋曹冠撰

案冠字宗臣。東陽人。紹熙甲戌進士第二人。擢太常博士。金華府志有傳。景
物詩與雙溪集二十卷俱載直齋書錄解題。景物類要詩隨物為題。類事
成詩。凡二百餘篇。雙溪集有楊萬里贈詩頌之云。莫將沈謝鴻雁行。便與嵇
那見清廟。則其詩固自可傳。不知與忠誠堂集是否一書也。

東軒集四十卷 宋王淮撰

案淮字季海。金華人。紹興乙丑進士。仕至觀文殿大學士。此書載楊萬里魯
國公神道碑。舊通志經籍引嘉靖金華府志作王侍講。東軒集四十卷今佚。
黃槐卿類稿十卷 宋黃中輔撰

案中輔字槐卿。義烏人。紹興中奉檜和議。既成日。使士大夫歌誦太平之美。

但有言其奸者輒捕殺之中輔作樂府題太平樓有快磨三尺劍欲斬佞臣頭之句檜聞大怒踪跡不得而止會檜死自號細齋居士名其齋曰轉拙見金華府志本傳此書又載金華黃先生桂隱先生小傳未見

龍川文集四十卷外集四卷 宋陳亮撰

案四庫提要云亮才氣雄毅有志事功持論與朱子相左岳珂程史記呂祖謙歿亮為文徐之有孝弟忠信常不足以趨天下之變而材術辨智常不足以定天下之經語朱子見之大不契遺書整人詆為短論亮聞之亦不樂他日上孝宗書曰今日儒士自謂得正心誠意之學者皆風痺不知痛癢之人也蓋以微詆晦翁足見其負氣傲睨雖以朱子之盛名亦未嘗委曲附和矣今觀集中所載大抵議論之文為多其才辨縱橫不可控勒使其得志未必不如趙括馬謖狂躁憤輟但就其文而論則所謂開拓萬古之心胸推倒一時之豪傑者殆非盡妄與朱子各行其志而始終愛重其人知當時必有取也葉適序謂亮集凡四十卷今是集存三十卷已多佚闕以所行祇有此本故仍其舊目著錄云胡宗楙曰此書以明成化龍川書院刻本為最古此外本崇禎癸酉錢唐郭質江刻本清江重刻尤繁先君子刻有此書後州守王世德刻考異永康應氏刻本輯有補遺一卷附錄二卷札記一卷補遺計詩一首詞十五首附錄則友朋往來寄和之作及浩劄余文序跋之類補遺計詩一首詞餘字以成化本為主參以諸本正其訛缺近世以此本為較善

石陵先生倪氏雜著七卷倪石陵書一卷

宋倪朴撰

案四庫提要云朴著輿地會元書四十卷今不傳傳者僅此集前載吳宋二傳擬上高宗書又書劄八篇書唐史諸傳七篇辨七篇大抵皆古健有法惟觀音院鐘刻辨論吳越所以改元者乃因梁滅於唐不冒反面事仇奉正朔於唐為錢氏立國之大節夫錢鏐固唐遺民也當朱溫僭逆之時羅隱之言凜然大義乃不以篡唐之梁為仇反以滅梁之唐為仇是非顛倒莫甚於是朴因汴京喪亂務伸復讐之遂遂併此事而附會之可謂斯言之玷此本明嘉靖丙戌麻城毛鳳韶輯不曰集而曰書者鳳韶自序謂以上高宗書為主舉所重云據吳萊序傳文卿雜著六十篇即此所云七卷本毛鳳韶所輯倪全華叢書亦用四庫之一卷本四庫者錄蓋石陵書一卷本也胡宗琳刻入續本據云別有考異一卷附後

香山集二十四卷

宋喻良能撰

案良能義烏人有渚經溝義傳已載經部史部四庫提要云此集義為志作三十四卷焦竑國史經籍志作十七卷亦無傳獨永樂大典中所錄古今體詩尚多楊萬里朝天集有送喻叔奇知處州詩云括蒼山水名天下工部風烟入筆端頗相推許而良能集內與萬里酬唱詩格約略相近特不及萬里之博大耳陳亮龍川集題喻季直文編云喻叔奇於人煦煦有恩意為文精

深簡雅讀之愈久而意若新是良能之文亦可自成一家者惜其詩僅存而文已湮沒不傳矣今從永樂大典採掇輒次參以南宋名賢小集為十六卷集併香山者次韻李大著春日雜詩注余所居山名蓋以地名其集云

卧雲堂集無卷數

宋王奕撰

案奕字宗甫東陽人從陳同甫唐仲友游詩類晚唐喬文惠公見其撫孤松詩吟賞不置胡助評其詩曰學問淵深才華浩博耿介之懷忠義之氣凜然詞意間云此書見金華徵獻略供

藏堂雜稿二十卷

宋陳炳撰

案炳有易講義已載經部易類金華先民傳併先生好古文務為奇語陳亮併其清新勁麗與喻良能良弼何松號為傷四君子此書見金華賢達傳

西園雜稿無卷數

宋姚獻可撰

案獻可字君俞義烏人隱居郭西門風度孤鶩不同於物年飢不粒食蒸菰菜茄子啖之無醯鹽益人始憂其貧不堪既而見其久不屈至老無妄求翕然信重之及卒葉適撰墓志此書載義烏志未見

雲巢集無卷數

宋錢億年撰

案億年字伯壽宣和七年由祖蔭入官乾道二年以右朝議大夫致仕五年

起利路提點刑獄不果。上禧熙十一年轉朝議大夫卒。此集見敬鄉錄佚。

蒙齋集三卷

宋范端目撰

案端目字元卿。蘭溪人。紹興甲戌進士。官中書舍人右史。蘭溪志有傳。此書載金華徵獻略。吳師道稱其詞翰絕人。乾鴻中著聲館閣。詩集三卷。文集二十餘卷。世遠無存。明刊有溪集。後僅雜詩十數首。祭張浚文一篇。未見。

龜潭集三十卷

宋林大中撰

案大中字和叔。永康人。紹興庚辰進士。官吏部尚書。樞密院事。卒。年七十一。謚忠惠。永康志有傳。列名目。大中世居永康縣治左側。有別業在八都。後徙居縣東十里。以龜潭為游息之所。此書見武夷山志佚。

東萊呂太史文集十五卷別集十六卷外集五卷附錄三卷

宋呂祖謙撰

案四庫提要云。祖謙有古周易已記錄。其詩文皆後弟祖儉及从子喬年先後刊補。蘆為文集十五卷。又以家範尺牘之類為別集十六卷。又附錄拾遺一卷。即今所傳之本也。祖謙於詩書春秋皆多究古義。於十七史皆有評節。故詞多根柢。不涉游談。所撰文章。闡鑿於體格源流。具有心解。故諸體雖豪邁駿發。不失作者典型。亦無語鋒為文之習。在南宋諸儒中。可謂銜華佩實。朱子語錄稱伯恭文集中答項平甫書。是傳夢泉子淵者。黑曹立之書是。

陸子靜者其他偽作想又多在是祖儉等編集失於別擇今亦不得而刪汰之矣此書見宋史藝文志直齋書錄解題萬卷堂也是園百宋樓季滄葦各書目存

大愚叟集十一卷 宋呂祖儉撰

案祖儉字子約金華人祖謙弟慶元元年官太府丞值韓侂冑用事罷趙汝愚祖儉上封事有旨置韶州俄改瑞州既至寓大愚山真如寺故以名集注金華志本傳及直齋書錄此書據宋史藝文志今佚

孔山集無卷數 宋喬行簡撰

案行簡東陽人有周禮總說已載經部禮類此書據金華經籍志引金華賢達傳佚

征西類稿無卷數 宋趙彥杞撰

案彥杞東陽人有春秋左氏發微已載經部春秋類金華先氏傳先生官眉州通判好學有文著述不倦有古律詩長短句等作凡數百篇名征西類稿康熙金華府志作西征隨筆此據舊通志今佚

東平集二十七卷 宋鞏豐撰

案鞏武義人有耳目志已載子部雜家類此書見敬鄉錄今佚豐祖庭芝東

平府須城人。建炎間遷居武義。故此集名東平。豐嘗從朱子問學。聲著諸公間。尤工詩。多至三千餘首。陳起江湖後集僅刻古今體詩九首。葉適撰墓志。稱豐無險怪華巧。而以理屈人。片詞半牘。皆清朗得言外趣。

癖齋小集無卷數

宋杜旃撰

案旃字仲高。蘭谿人。兄弟五人。皆工詩文。時稱杜氏五高旃。嘗占湖濱。舉尤長於詞。陳亮稱其半落半開。花有恨。一晴一雨。春無力。令人眼動。及讀別纜解時風度緊。離觴盡處花飛急。知晏叔原之落花人獨立。微雨燕雙飛。不得擅長專美。府志又引同甫之言曰。仲齋之詞。叔齋之詩。叔齋皆人能品。此非獨一門之盛。蓋可謂一時之豪矣。此集久佚。惟南宋羣賢小集刻仲高詩二十首。名癖齋小集。附詩文二首。詩一首。杜旃詞三首。杜去輕文一首。杜濬之詩五首。漁洋香祖筆記。稱癖齋集實足名家。居易錄又云。癖齋稿歌行有張王風調。如綠珠行。明鏡行。玉繁宅別魏元長。書懷皆可誦。送陸放翁赴石長句最佳。又見知聖道齋書目存。

辟表集無卷數

宋杜旃撰

案旃名幼齋。蘭谿人。旃弟。此書見蘭谿志。稱葉適曾為之序。適又有贈詩云。杜子五兄弟。詞林俱上頭。規模古樂府。接續後春秋。奇崛令誰賞。竊極浪自

愁故園如鏡水，日日抱村流。原書佚。

橋齋集無卷數

宋杜璣撰

案璣字伯高，蘭谿人。登東萊呂祖謙門。陸游陳傅良葉適陳亮咸稱其文瀟灑，同禧間兩以賢良方正荐不赴。著有橋齋集，見金華微獻畧。今佚。

穀齋文集十卷別錄一卷

宋徐僑撰

案僑有讀易記讀詩記等書，已載經部文集佚。別錄見阮元四庫未收書目提要云：卷端有正德辛未十一世孫興序一首，僑先世文清公讀易記讀詩記文集等書格。君心淑後學羽翼吾道有補於世教也。尚矣。考之宋乃徐僑之詩也。僑之學以真踐實為尚。奏對之言剖析理微，因致勸懲宏益為多。乃理宗時名臣，不以詩名。然無講學家習氣。近江湖流弊，興序又云有文集十卷，遭回祿燬，無傳本。

可軒文集無卷數

宋鄭良嗣撰

案良嗣有可軒奏議，已載史部奏議類。此書亦載敬鄉錄，未見。

南堂文集無卷數

宋時淵撰

案淵，蘭溪人。有增定東萊書說，已載經部書類。此書據金華經籍志引敬鄉錄，今佚。